

արտայայտիչը նրա բովանդակ զգացումներին: Աշուղ է նաև բանաստեղծը ինքը: Նրա կոչումն է՝ ոչ միայն տխուր իրականությունը ողբալ, այլ և սիրտին խօսքեր ասել իր ժողովուրդին, յոյսի շողեր վառել նրա հոգում:

Ասի՛ աշուղ, ա՛ն չունգուրըդ, մեզ բան ասա՛

սրտալի:

Կարօտ եմք քու անուշ ձեռնից, մի բան ասա՛

սրտալի:

Սրտի խօսք եմք ուզում քեզից, որ վեր հանի

մեր հոգին —

Ա՛ն չունգուրըդ, դարդոտ աշուղ, մեզ բան ասա՛

սրտալի:

Հարկաւ, բանաստեղծը լաւ գիտէ, որ աշուղը, այդ մարմնացումը իր ժողովուրդի եւ հայրենիքի, տանջւում է հաղար ու մի ցաւերով: գիտէ, որ նա դարերով համբոււմ է հայրենիքի խոր խոցերը, գիտէ նաև այն, որ այդ խոցերը արտասուքի ծովերով անգամ լուսնալ կարելի չէ: Բայց եւ այնպէս, թո՛ղ երգիչը առնի իր քնարը ու «սրտի խօսք» ասէ լոյսի եւ յոյսի ծարաւի ունկնդիրներին: Չէ՞ որ լուսն մնալով անկարելի է գեղ-դարման անել այդ ցաւերին: «Մնջութիւնն էլ նըշան հօ չէ՞ մի գովելի յատկութեան»: Աւելի լաւ է՝ աշուղի խօսքը տխուր, ցաւալի լինի, քան թէ լուսնի մատնուի նա:

«Մեր չը խօսկան լինելուցն է, մընացել եմք անտէրունը: Լա՛ւ է՝ ազատ լաց լինելը, քանց դարդ տանիլն անմոռունը»:

Գուտանը ժողովուրդի առաջնորդն է, նրա մխիթարիչը միանգամայն: Նա պէտք է վառ պահէ հաւատը իր անձի մէջ, իրմով էլ վարակէ ժողովրդեան խաւերը: Նա երբեք չպիտի յաղթուի հանրութիւնը մաշող քնիցը: Ժողովուրդը թմրած է: Նրան քունը անուշ է թըւում: Եւ սակայն, երգիչը ո՛չ միայն չպիտի ազդուի այդ համատարած թմրիւրից, այլ և պիտի ցրէ այն, սթափեցնէ մարդկանց հոգին, նրանց սրտերում կրակ պիտի վառէ ամենին նոր շունչ «առուղ» իր «սրտալի բանով»:

6.— ԺՈՂՈՎՐԴԱԿԱՆ ՄՈՏԻՒՆԵՐԸ

ՅՈՎՀԱՆՆԻՍԵԱՆԻ ՍՏԵՂԾԱԳՈՐԾՈՒԹԵԱՆ ՄԷՁ

Ինչպէս ասացինք արդէն, Յովհաննէս

Յովհաննիսեան առաջինն է մեր նոր բանաստեղծների շարքում, որ առանձին ուշադրութեան առարկայ է դարձնում ժողովրդական ստեղծագործութիւնը, ինքն էլ դրում նոյն մոտիւներով ոտանաւորներ: Դրանք սոսկ զբաղան մշակումներ չեն դեղջուկ երգերի, ոչ էլ ստորկական հետեւողութիւն, այլ՝ նրանց ողով դրուած, նրանց երանգով գունաւորուած — կենդանի ու աշխոյժ, թեթեւ ու սահուն, սիրով ու վշտով լի:

Շատ չեն Յովհաննիսեանի այդ կարգի ըստեղծագործութիւնները, բայց գեղեցիկ են ու տպաւորիչ: Դրանք անշուշտ այս կամ այն չափով խթան են հանդիսացել հեազայ մի երկու բանաստեղծների համար, Թումանեանի եւ Իսահակեանի, որոնք եւ աւելի ընդարձակ չափերով են մշակել ժողովրդական մոտիւները:

Ինչպէս որ Յովհաննիսեանի «Ա՛խ տուէք ինձ մի քաղցր քուն»ը բանաստեղծի սիրոյ ոտանաւորների շարքում ամենից աւելի ժողովրդականացածն է, տարածուածը երգի ձեւով, նոյնը կարելի է ասել նաև հեղինակի «Արազն եկաւ լափին տալով», ժողովրդական մոտիւով դրուած ոտանաւորի համար, որ դարձեալ երգ է դարձած: Հայ աշխարհն է շնչում նա, պարզ, կարծէք մի սովորական ժողովրդական երգ լինի: Ու գրեթէ այդպէս էլ դարձած է, մտնելով ժողովուրդի մէջ եւ դառնալով նրա սեփականութիւնը: Հայրենի գեար — մեր պատմական մայր Արաքսը եւ ժողովուրդի Արազը որպէս կենդանաբար էակ խօսում է բանաստեղծի հետ: Երիտասարդ, սիրավառ բանաստեղծը նրանից է «Չուզար», տեղեկութիւն սպասում իր սիրած եարի մասին: Մի տեսակ կռունկ է Արազը, որի միջոցով բանաստեղծը կ'ուզէր իր կարօտը առնել հեռաւոր սիրելիից, կ'ուզէր մասնակից անել նրան իր դարդին, դեռ՝ «ձէզը չառած ջրին»: Բայց, մխիթարանք չունի սիրատոչոր, պատանի-բանաստեղծը: Արազը լուս է, նրա եզերքին բարձրացող Մասիսի ճակատն էլ ամպերով է սքողուած: Ու պազատանքով դիմում է անմխիթար պատանին իր Արազին:

Աստօծ սիրես, էրուած սրտիս

Չուզար բերես էկող տարին:

Եւ այսպէս, թափաւում է նա իր անյոյս